



PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PL  
248  
N28Z77  
1883

Mahmud Celaleddin Paşa  
Afaka bir nazar

4246

18/443



آفاقه بر نظر

Mahmūd Celāleddīn Paşa

372  
Āfāka bir nazar

( زوال عشق )

حقنوده

بعض محاکات فکریه بی جامعدر



اثر

محمود جلال الدین

معارف نظارت جلیله سنک رخصتیه طبع اولتشددر

استانبول

(مهران) مطبعه سی — باب عالی جاده سنده نومرو ۷

۱۳۰۰





PL  
248  
N28Z77  
1883

## زوال عشق

معلم ناجی افندی - حضرتلری { آفاق } ده { \* } عشقك  
زوالنی - تصویر بیوریورلر . . - حسیات طبیعیه نك  
منابع اصلیه سندن اولان - محبت - ایله - عداوت  
بیننده بر مبارزه ادیبانه یه بر مجاهده حکیمانه یه سیرجی  
اولغنی چوقدندر ارزو ایدردم .

اسلاف ادبا - بویولده بعض یادکارلر براقشلسه ده  
تهذیب اخلاق و تربیه افکار کبی نتایج مهمه ادبیه یه  
مغروراً حسیات طبیعیه نك شرائط عمومیه سنه اولان  
وقوفلرینی حسب الاعتیاد ابراز تترل بیورما مشلردر .  
ادبیات جدیده فضلالی منتسبینی اره سنده حائر

(\*) آفاق (بر رساله ادبیه در . (زوال عشق) مقاله سی (ه) نجی

جزوده در .

اولدینی { معلم } شهرتی حسن محافظه یه علم و عرفانلری  
 معارفنک هیئت حاضره سنه نظراً چوق سنه لر  
 ایچون کافی اولان ناجی افندی حضرتلرینه  
 قارشو بزم وقتندن اول اغزا جم قلمغز خطا اندر خطادر  
 دیه بیلورز . - فقط: بنده کز بلدیکنی او کرمکه هو -  
 سکار بر آدم اولدیغم دن - حسیات طبعیه نک بنده کزه  
 ممتدایا ویرمکده اولدینی درساری بالفعل تطبیق  
 ضرورتنده بولم قلمغز مستحق تصدیق می دکلدرکه - اقتباس  
 فیض و هنر مقصدیله ادبای کرامک آثارینه مراجعت  
 دن اجتناب ایده یم .

معلومدرکه اثار ادبیه نک روحی افکار - وافکارده  
 ایسه حقیقت - سلامت - وضوح - انتظام کبی  
 شیئلرک اذهان بشریه ایچون فهمی ادراکی و تفریق  
 مقدردر . - ایشته عاجز کز دخی تقدیر ادبی الجا آتیه  
 آفاقک زوال عشقنده سهل الادراک حقیقتله دائر

محاکمات فکریه می { بر رساله مخصوصه } ده حفظ ایتماک  
 اوزره ویردیکم قراری اجرا اید یورم . - بونی برجرات . -  
 حتی مجنونانه برجرات صورتیله تلقی ایتمکده معلم ناجی  
 افندی حضرتلرینک شاگردانندن بدأ - ادبای آفاقه  
 وارنجه کندی فکرلرنجه البت و دائماً سربست لردر .  
 لکن - هم سخن شناس هم حق شناس اولان معلم  
 مشارالیه بنم ملاحظا تمده کی یا کلیشاری بنم محاکماتده  
 کی نقصانلری و تدقیقاتده کی سقطلری تنزلاً و نوهوسلری  
 تاطیفاً بیان و اخطار بیوررلر مأمول ایدرم .  
 ذاتاً عالم ادبیاتده تمیز حقیقت و وظیفه سیله مکلف  
 بولنیورلر . بزم بوقدر جق براستد عامزی عدم قبول  
 صورتنده بولنمغله - سوزلرمزه اهمیت ویرماملکه بیو-  
 کلک کوسترمش اوله مزلر . آفاق قسم اعظمی اشکال  
 ده براقان { زوال عشق } ی نقدر تفصیل ایتسه ک  
 بوراده حقیله افاده ایتمش اوله میز .



— خلاصه سی شو اولیورکه :

- « برکیجه یاریسی ... اغراغر قاریاغمقده ... »
- « اورطهلق بم بیاض ... — اوچ ارقداش »
- « صوقاقده کیدیور ... برینک اسمی عارف بک ... »
- « ساعت ده سکز راده لرینی بولش ... (النده »
- « فناری طوتان ... بردنبره طورارق ) ... بونه ! »
- « بوکیم ! ... نه اوله جق برسرخوش اوپ اوزون »
- « یاتمش ... اوست باش قارمه قاریشیق ... (جمله - »
- « سی بردن ) آمان عجبا کیمدر ؟ ... { عارف بک »
- « اتیلوب { وای مظلوم سنم سین ! ینه کوفه لک اولمش »
- « بیچاره ! ... ( حاصلی یقا باجه مظلومی خانه سننه »
- « ایصال ایدر لر : بیلنورکه مظلوم { بغری یانیق { »
- « برعاشق ایمش ... اوکیجه معشوقه سنک قپوسی »
- « اوکنده بربد معامله کورمش ... بعده او هیئت »
- « وقیافتی بولش — و بوقیافتی بولدیغنی وارقداشلری »

« کندیسنی خانه سینه کتوردیکی بش اون دقیقه »  
 « کجمدن عشق و معشوقه فلان هپسی (مظلوم) طر - »  
 « فندن ترك ایدلمش - محوایدلمش - واود دقیقه دن بری عشق »  
 « مشق فلان - برشی قالماش ! شمدی درسنه چالشمقده »  
 « ایمش ! و بوده { زوال عشق } دیمك ایمش ! »

... حتی مظلوم حرف بحرف شوسوزلری ده سویلیور :  
 « دقت ایدیگز ! مظلوم بود دقیقه دن صکره »  
 « عاشق دکدر چونکه مجنونلق عالمدن چیقدی »  
 « عقلنی طوپلادی - عقم نره لرده کزیورمش بلم »  
 « سزکله برابر اوده کلدی مظلومی بولدی .... »  
 الاخره

.. فقط بز معلم ناجی افندی حضرتلرینک  
 بومقاله سنده دکلسه مظلوم بک بوفکرنده  
 - حقیقت - بوله میورز چونکه :

بر(عاشقه) کوره (معشوقه سی) طرفدن بالذات

وبالواسطه اجرا اول تمامش بر معامله بارده - اطوار و مشوار  
 سفالت پرورانه - و حرکات و کفتار خفت کارانه اوزرینه  
 اجرای حکم ایده بیلوب یوقسه عشق اضحالی  
 - عشق زوالی: کنجاره اکثر یا ورم نامنده مهلاک  
 بمرض - اختیار لره عته نامنده بر عرض تولید ایتمسندن  
 عبارت اولدیغی دائماً مشهود و آفاق ده سنی یکر می بش  
 راده لرنده بر عاشق مخیل که - چکه جکی اذ او جفا اساساً  
 غیر محدود اولدیغنه دائر ایما و اشارت مفقود اولغله:  
 « بود قیقه دن صکره عاشق دکلم • مجنونلق عالمندن  
 چیقدم » دیان - کنج بر مظلومده دخی عشق زوالنه  
 حکم اولنه میه جفندن و چونکه عشق - انسانی  
 استدیکی کبی اداره ایدوب انسان عشقی استدیکی  
 کبی اداره ایده میه جکندن - عشق بلکه شدت  
 و افراطنی موجب اوله جق بعض احواله مستند (زوال  
 عشق) مقالنده من حیث المجموع حقیقت بوله میورز ..

۰۰ بز مظلومی بر (عاشق) اوله رق دکل - بر (عیاش) اوله  
 رق قبول ایده لم . نه چاره که موضوع بحث بود کل در .  
 { سلامت افکار }

ناجی افندی حضرتلرینک بومقاله سنده دکاسه -  
 مظلوم بک بوفکر نده - سلامت - ده بوله میورزه .  
 چونکه : قالدیرم اوزر نده قارلراچنده ساعتلرجه  
 یاتمش ! وجودی بوز کسلش - قواسی بر تضییق مادی ایله  
 ازیم ازیم ازلکده بولمش وقوة نطقیه سنه وارنجه  
 مختل اولمش - تحصیل ناقص - بر میت متحرک -  
 ایکی دقیقه طرفنده بر قاج ییلاق روشنی مسلکنی ترک  
 ایتدیکنه دائر ابوالسعود مرحوم قدر متعصانه ! عرفان  
 پاشا قدر شاعرانه ! ارستوطالیساره رحمت او قوده جق  
 قدر حکیمانه ! هله احاج ابراهیم افندی یه طاش چیقارا  
 جق قدر ادیبانه سوزلری : عدم سلامتی بدیدار اولان  
 خیالات دن دره شونکاه ابروجه ده مثبت درکه : بوفکر -

بر دقیقه اوله قدر۔ تابع فرمانی اولدیغی (عشق) نامنده کی او  
 عظمت و لطافت روحانیه علمینده۔ سرخو شلق حالیه زباند  
 رازلق ایتمش اولمقدن عبارت قالمیوب۔ کویا او عاشق مخیل۔  
 سوزینک اری اوله رق او دقیقه دن بریدر۔ عشقک الندن  
 {یقہ بی قورتارمش} و شمدی او کبی حسیات علویه دن بی  
 بهره ایش۔ (سلامت افکار) نقطه نظر یله بو عاشق مخیل  
 ذاتا عشق دن بی بهره۔ فقط مفتون عشرت بر آدم اوله  
 بلمسنه۔ عن صمیم القلب میلان افکار بر امر طبعیدر۔ کند  
 یسنده۔ اول امرده عشقک وجودی تسلیم اولنه میورکه:  
 زوالنه قناعت کلسون۔ موافق۔ حقیقت۔ اولدیغنه طقوز  
 شاهد لازم کلان بوفکرک عدم سلامته: معلم مشارالیه  
 آثار سائرہ سنده کی۔ اشعارنده کی سلامته دخلی اولماق  
 شرطیله بنم وجدانم حکم ایدیور۔ زیرا مظلوم۔  
 حقنده «ینه می دوشمش قالمش!۔ ینه می کوفه لک  
 اولمش» و سائر عبارہ لر کو ستر یورکه: بو عاشق مخیل



سیر سمت فناری پک سون یادکارلردن اوله رق  
 تصویر بیورلشدر • سرخوشاره سفالت و پریشانی  
 مقتضای احکام طبیعت اولدیغندن { زوال عشق }  
 مقاله سنی جعفرندن چیقاران ایشته بوظالم در •  
 حالبوکه { زوال عشق } ی اوزرلرنده تطبیق ایچین  
 آفاقه خدمت ایده جک نقدر مظلوم لر نقدر مظلومه لر  
 بولنه بیلوردی •••••

### - وضوح افکار -

معالم ناجی افندی حضرتلرینک بومقاله سنه دکلسه -  
 مظلوم بکک بوفکرینه واضح درده دیه میز • زیرا :  
 نتیجه کلام - حکمت آمیز برانجام - اعلام  
 وافهام ایتمک استدیکنندن - « مظلوم پریشانی »  
 « عشق دن بوصورتله - یقه بی قور تاردقدن صکره - فن »  
 « ومعرفته چالشمغه باشادی • بونک بو حالی امثالندن »  
 « برخیلیسنه نمونه انتباه اولدی • انلرده هوا پرستانه »

«روشی ترك ايتديلر» بيوريليور .

عجبا هانكي { پریشانیء عشق } دن ؟ صورارز .  
هر عاشق سرخوش . و سرخوش عاشقی اولق  
لازمكايور ؟ { بو صورت } هانكي صورت ؟  
سرخوشلق صورتی می ؟ عشق دن رها بولق  
ایچون برادرمك زیاده سرخوش بولنمسندن - وارقد اشاری  
طرفندن خانه سینه کتورلمسندن - استفاده اولنمی  
نه دیمکدر ؟ و برده : فن و معرفته چالشمادغه سبب  
{ عشق } میدر عجبا ؟ فن و معرفت - اساساً مکتبدن  
غیریده - تحصیل اولنان یرلرهانکی مملکتلردر ؟  
وینه هانکی مملکت لردرکه - مکتب چوجقلرنده  
{ عشق } دنیلان بدرقه الهیه نك { زوالنه } ! حکم  
ایده لم ؟ تحف ! امثالندن برخیلیسی ده هب  
{ عاشق } مش اولیه می ؟

هوا پرستانه روش - ایله موضوع بحث اولان

{ زوال عشق }كـ۔ مفید اولدینی معنادہ کی۔ ارتباطہ  
ادباً ملائمی دیہ جکز؟ تشبیہاتدہ مشبہ مشبہ بہك  
افرادینی مانع۔ واغیارینی جامع اولہ میہ جق بر حالہ  
بولندی بیلہ ادعا اولنسہ۔ حقسزلق می ایتمش  
اولہ جغر؟ ....

حاصلی: ناجی افندی حضرتلرینك دكلسہ مظلوم  
بكك زوال عشقندہ۔ وضوح افکارہ دہ تصادف  
ایدہ مدك۔ كافہ نکات ودقایقلہ برابر عشقك زوالی  
تخیل اولنجنہ { افاق دہ کی مقالہ یہ۔ من حیث المجموع  
موضوعنی معین ومصرح اولہ رق مفید اولدینغندن  
بالطبع واضحدر دینہ مز۔

۔ انتظام افکار ۔

معلم ناجی افندی حضرتلرینك دكلسہ مظلوم۔  
بمعنی او عاشق مخیل ۔ بوفکرندہ۔ انتظامہ عائد مسائل  
وطبایع ادبیہ ایلہ۔ عامل اولما مشدر۔ سربستیء افکار

واقعا جمله مزجه مطلوب و ملترم ايسه ده قواعد  
مخصوصه دن۔ بويله قورتيله مز۔

آفاق { ك زوال عشق مقاله سنده افكارك  
اره لرنده كي روابط و مناسبات زينت الفاظه اولان  
رغبت و مفتونيت الحجا آتيله ادبي ترتيبات دن محروم  
قالشدر۔ چونكه :

استانبولك قيشي نقدر چوق اولسه۔ مادام۔ عاشق  
مخيل۔ ال اياق چكلد كد نصكره { معشوقه } سنك قپوسي  
اوكنه ايكنجي دفعه اوله رق و برچوق زمان اياق ده  
وقت كچورد كد نصكره ييغلمش قالش۔ واوچ نهايت  
درت ساعت كچمدن۔ ارقداشلى طرفندن قالد يرمش  
اغراغرياقمده اولديغي مقيد۔ قارك ايچنه مظلومي  
« كوملش » صورتده كوسترمكه هر فكر سايمك  
مساعده سنى تحصيل ايچون استانبول زقاقلىرى  
ارضروم طاغلمى فرض ايده جكرز ؟

ابتدای مقاله ده مظلومك فسی - صغوقدن کسب  
 ایتدیکی - شکل عجیبیله : موقعنده تعریف و تعیین  
 بیورلمش ایکن مظلومك باشنه « چوره صارمغه »  
 لزوم کوسترلدیکی صره ده - فسك بولنه مدیغنی خبر  
 ویرمك ! انتظام افکاره خلل کتوره جاك نسیاناردن  
 دکلده نه در ؟

مظلوم باشنه « چوره صارماملری » ایچون  
 ایتدیکی بیان بیوریلان (اشارت) نصل بر اشارت  
 اولیور ؟

مقاله یی اوقویانلرجه معلوم اولدیغنی اوزره  
 بیچاره نك برقولندن بری دیگر قولندنده او بری  
 طوتمش ایدی . کندیسینی «نطقه کتورمك» ده قابل  
 اوله میوردی . بویله بر مخلوق - کوزیله قاشیله اشارت  
 ایده بیلورمی دیه جکز ؟

پکی دیدك .. کیجه یاریسی قارلی برهواده



صوقاقده کیدن اوچ دوت ارقداشك كوزيله قاشيه  
 بربرلرینه ایده جکاری (اشارت) برمعنا افاده ایده  
 بيله جکني ادعا ایدن وارسه چيقتسون . يوق مظلوم  
 بلکه اياقلىرى ايله اشارت ايتمىدر ديسهك بو حالده ده  
 سرخوشلغه علامت دن بشقه برشيئه دلالت  
 ایده جکني نصل بيله جکز! قبول ایده جکز?

مخاکمه يي ازدها اوزاتسهق عاشق مخياك ايكي  
 قولاقلىرینه نوبت كله جکدر . - الله وجودلريني  
 اكسك ايتسون هرشيئه قاووق ساللايانارمز اولديغي  
 کبي قولاق ساللايانارمزده يوق دکل سه ده بوکيفيت  
 خلق اولوب فقط برمرام اکلاتمق خصوصنده  
 استعمال اولنوب اولنه ميه جغه معلم ناجي افندينك  
 خيالنن چکان عارفلىر مظلوملار دکل بنده کز  
 کبي عاجزلربيله له حمد والمنه واقف اوله ميه جق  
 برطبيعتده اولدقلىرینه اديب مشاراليه البت

قائل اولورلر . بو اشارت بر اشارت  
 معنویه ایدی دیه جکده اولسهق ینه هر حالده  
 موضوع بحث بی انتظام قالیور . حال و شانی  
 و بر درجه یه قدر جهلی واقعا تعین ایدن و حسب  
 الاعتیاد کجه لری میت متحرک دن فرقی قالمیان بر عاشق  
 مخیل: اوینه کلمک کچوک مندرینه اوطور مق ايله  
 دفعه عقی باشنه کلمی - ادبیات - حکمیات شرائطی  
 جامع اقوالنه توفیقاً و اوکیجه دن اعتباراً حرکتده  
 پایدار اوله بیلمی - انتظام افکار - نقطه نظریله پیک عجله یه  
 کتورلمش بر خیال شاعرانه دن عبارت قاله بیلور: فقط  
 زوال عشق) ک بونکاه صحتته اعتماد - فکر سلیم اربابی  
 ایچون ممکن و متصور اوله مز دیسه ک قباحتمزه  
 وجه التمزده حکم اولنمز انشا الله .

معلم ناجی افندی حضرتلرینک دکلسه مظلوم  
 بکک زوال عشقنده سادهلک - اینجه لک -

پارلاق علویت کبی ذاتاً افکارک پک چوغنده  
بولنمیان مزیات خصوصیه نك تطبیقاتنه قالقیشه جق  
اولورسه ق مثلاً:

«: قاریده» وفا آرامق (فارح) البحر - ایچنده

شهدانه اینجو آرامق کیدر» جمله سنه می جمله سنه می!  
نه یلان سویله یه لم پک مناسبتر خیالره راست  
کله جکزد درکه قورجالامغه حسب الطبیعه خواهشکر  
اولدیغزدن حیا ایدرز. چونکه :

پارانتز { } ایچنده ایری ایری کوسه ترکی  
دأب ادب ایجابندن بیله بکمز - او اوچ ( حرفی معلم  
ناجی افندی حضرتلری { زوال عشق } ی تصویر  
ایتدیکی ایچونمیدر! نه در مقاله ادبیه لرنده! برکله شکنه  
وضع ایدرک کمال سربستی ایله ( سلمه السلام ) یازی  
ویرمشدردر. بو: او قدر چرکین برتشیه اولمشددرکه  
آفاقک بشجی جزوی اجزای سائر سیله تجلید اولمغه

صالح دکلدر دیسه ک خیرلو براخطارده بولنش  
اولورز.

حاصلی { زوال عشق } ده آرایه جغز اینجه لکی  
پارلاقلی علویتی معلم ناجی افندی حضرتلرینک آثار  
منظومه سنده آرایه لم ده انتخاب کلمات - بخشه  
رجعت ایده لم بومسئله ده تطویل مقاله حاجت  
قالماق اوزره صویه صابونه طوقنیه جقلردن اوج  
بش دانه سنه سطحی برنظر ایده لم.



(آفاق) ک - زوال عشق { نده کی بعض  
افاداته سطحی برنظر

» بیاضاری کلکون اولمش اولان خمار آلود

کوزلریله « {۱}

بلاسنی چکش بولنانلر اسمی آکلدقجه -

» یورکلرنده برلوزش حس ایدرلر « {۲}

« چوره صارمق، { ۳ } - « نطقه کتورماک » { ۴ }

« آنک بو قدر جق اولسون بر - مقهوریتنی -

چکمیانلر » { ۵ }

« آه ! شو مبارک قارک بویله آهسته آهسته

یاغشی ده نه قدر خوشمه کیدر ! کل مظلومم

قار اوزرنده یوریمک ده از صفالی اولمز » { ۶ }

« مظلومی در آغوش ایتش اولان قار بیغیتیسناک

نرده اولدیغنی مراق اینمکن طبعیدر . خبر ویره لم .

بو کو کدن اینه قبا دوشاک مظلوماک نظر نده پک

مقدس اولان برزقاق قپوسناک اوکنه

سریلیویرمش ایدی » { ۷ }

« قاریده وفا آرامق ( ف ر ج ) البحر ایچنده

شهدانه اینجی آرامق کیدر » { ۸ }

بو { ۱ } ترکیب حاشا سقط در دیمورز فقط

حاشا که بلیغ در دیه لم برچوق ترکیه لقر دیلر



اره سنده - هله بر مکالمه ده بلکه پک چرکین دوشمش  
 بيله ديه بيله جکز. زیرا: اوترکیبه بدل (قان چنانغه)  
 دوشمش اولان محمور کوزلری) دیمک شیوه افاده مز  
 اقتضاس نندرد. واقعا آل قانلره بولانمش اولان  
 کوزلری) دیسه کلاماً دهاملايم و چناق کبی الفاظ  
 مبتذله دن عاری اولورسه ده مشبه به کوفه لک  
 اولمش بر (سرخوش کوزلری) اولنجه بویه مقامده شیوه  
 لسان یار دیميله بونی الفاظ مانوسه دن اوله رق قبول  
 واستعمال ایده بیلورزو. یوق! مطلقاً فارسی الفاظ  
 ایله مظلومک کوزلرینی بویامق ماترم ایسه خونا به  
 درونی کوزینه آل پرده لر چکمش دیمکده - ایمای  
 عشق جهتيله تجویز اولانه بیلور.

{ ۲ } بوت ترکیب شیوه مزه بتون بتون مبین  
 دکسه ده اوراسی اونک یری دکل . پک قیصه  
 دوشمش . اقتضا ایدن قوت و قدرتی احراز

ایده مامش • برده (لرزش) دیتره مه معانسه اولسی  
 حیثله ترجه سی یورکری دیتردی دینش اولیور.  
 حالبوکه شیوه لسان سائقه سیله بوبشقه برمعناده  
 افاده ایده بیله جکدر، وپک نازلی برحس اظهارایده  
 جکدر. - حالبوکه اوراده هم «تصویر فلاکت» مطلوب.  
 همده شکایت سرزنش ایدلماک مشروط • بناء علیه  
 شو یولده برشی دیه بیاورز: (نیجه نیجه حسیات مردانه ایله  
 محظوظ. - و برخی تأثرات حقیقه ایله مضطرب اولورلر).

{ ۳ } شیوه لسان اقتضاسیجه (چوره صارمق)  
 تعبیری خواصه مخصوص تعبیرلردن دکلدر. شوقدر  
 وارکه پالیقاریالر. - وسائر آفاق طاقنک و برده مراسم  
 معتاده ده بکجیلر طرفندن باشلرنده کی آلی قرمزلی  
 صاریلی شیلرک حین افاده سنده جائز اولزدکل. -  
 فقط عارف بک ورفقاسی طرفلرندن مظلوم بک  
 باشنی صعوقدن محافظه ایچون جیلرندن چیقاردقلری

کتان پارچه سنه - موافقت - نامی ویریلان اصول  
 قدیمه اقتضاسنجه افکاره کوره افاده بی ده حسن  
 تصویر لازمه دن اولغله (چوره) دیمیوب (مندیل)  
 دیمک و (صارمش) دیمیوب (باغلامش) دیمک  
 اقتضایدر. چوره بشقه مندیل بشقه شیئدر- دیمک  
 استمدیکمزی ایضاحه محل یوقدر. بوجهتله ذکر  
 بالاده کچن مخلوقاتک صاردقلری برشیلره چوره  
 دینمز. یمنی- دینورکی سفسطه یه ده حاجت یوقدر.  
 یمنی- اساساً قادناره مخصوصدر- حاصلی: برعاشق  
 فلاکت زده نک- باشی- بشقه. بکچی بابانک باشی  
 ینه بشقه در. دیسهک برخیلی قارئینه قارشو افاده مرام  
 ایتش اولورز. اکلامیان ویا اکلامق استمیان  
 اولورسه اونلره ده دیرزکه صاریق باغدی  
 دیمیورز. صاریق صاردی دیورز. صاریق ایله  
 مندیل بیننده اوب اوزون برفرق واردر. بونیده

ذهنی صارمیانلر چوره‌نی صارارسه صارسون او یله لرینه  
بز نه دیه جکز - هیچ .

{ ۴ } اسلوبی موضوعنه توفیق ایتماک  
ضرورتندن بروقتده قورتیلنه مدینه ایشته بربرهان  
دها . «نطقه کتورماک» قابل اولیان کیم ؟

مظلوم . نیچون ؟ سرخوشده اونک ایچون . او یله  
ایسه بوکاده شیوه یه مغایر در بیه - دیه بیلورز .  
چونکه بین الادبا مانوس و شیوه لسانمه کسب  
وقوف ایدنارجه محسوس اولان مظلومه - اِ اغز  
اجدیرمقدر { نطقه کتورماک - مشایخدن ومواد  
مذهبییه نک احکامنه فرط رعایت ایدن بعض  
منزویار جله کشلر مرابطلر فلاناردن آخرته متعلق  
اجتهاد ارزوسنده ودنیاجه بوناردن سعادت طلبنده  
مصر بولنان بعض ذوات کرام طرفندن استعمال اولنه جق  
تراکیب قدیمه دندر . شیخ بویه نطق ایتدی . نطق

حق در . نہ پالم نطق بویلہ . مثالری کبی { نطق }  
 بردہ مجالس امت و بوکبی حقوق عبادی متکفل  
 اولان هیأت و جماعات ارہ سندنہ یوکسک صدا  
 ایلہ بعضاً تحریراً و اکثریاً شفاهی اولور . لکن  
 صوقاق دہ دوشمش قالمش بر سرخوش حقندہ «نطقہ  
 کتورمک» قابل اولدی دیمک زمان وزمینہ مساعد  
 دوشمنز . عاشق مخیل طریقت بکیتاشیہ دن ایدی  
 دیسہک ینہ نافلہ .

{ ۵ } اندن - مراد ( عشقی ) اولیور . -  
 ( بو قدر جق اولسون ) - قید مخصوصی ایشی  
 کوجولتد کجہ کوجولتان بر قید ایکن . - بمعنی : مظلومک  
 بر کیمہ لک سرخوش لغنی اشراب ایلر ایکن - کمال عظمتیلہ  
 کمال ہیبتیلہ - اورادہ کی ( مقہوریتی ) کیمسہ چکہ ہز  
 ( بر مقہوریتی ) دینہ جاک یردہ ( بر منتتی ) دیمک  
 و فضلہ احتیاطلرہ رعایت ایتماک اولایدی . زیرا



(مقهوریت - مأنوس دکلدر آنک شامل اولدیغی  
معنی نی (قهر) کلمه سیله - شیوۀ اسان سایه سنده -  
هر یرده هر وقتده افاده ایدہ بیلورزہ دیمک  
استیورزکہ (مقهوریت) هر یرده مردود هر جمله ده  
مفقود الفاظ غیر مأنوسه نك ایکنجی قسمندذرہ  
لسانمزدہ سهل الجریان (بلا) کبی او محله ذکرہ  
الویریشلی دها بعض کلمه لر بولنه بیلوردی .

{ ۶ } (مبارک) کلمه سی ایجابنه کوره قدسیت  
معناسی نی بيله مفید اولورسه ده شیوۀ افاده جه  
استهزانك استخفافك و بلکه دها اشنع حالاتك  
پك مؤنس بر خدمتکاریدرہ رذیل ایتمک درجه لرینه  
قدر وارلق استتلاز بر شیئہ ادات اوله رق  
کتوریلورہ مثالہ - ایضاحہ - حاجت یوقدرہ  
بومتفق علیه درہ

موقعنه کوره و داخل اولدیغی کلامک هیئت

عمومیه سی اعتباریله خدمتی حسن ایفا ایدر .  
 فقط (مبارك) ك بویله بر جمله ده جواز استعمالنه  
 هر حالده حکم ایده میز . مبارك کله سنك لزومسنز  
 یرده صرفنی برنجی دفعه در که کور یورز .

صوکی عزیز اول - در لراما . صوکی مبارك اول  
 دیانلری ایشتمدك . هله برینه - قار كبی مبارك اول  
 دیه جاك اولسه ق . البت آدم جاغرك جانی صقلور  
 وکند سیله ایلندی کمره حکم ایدر .

بوندن مراد قار حقنده حرمت محبت ابراز  
 ایتك ایسه او « مبارك » نردن خاطره گلش عجا .  
 یوق او یله دكسه ! مباركك بو ترکیب ده خدمتی  
 نه در ؟ بیله مدك عیب دکل یا ؟ . موسم صیف  
 عودت ایتیمجه یا خود درت بش ارقداش آوه  
 چیقمنجه ، بونارنین هېچ چکامیور . استهزا ایله تعظیم  
 برابرجه کوسترملك استنوب ده اونك ایچون ایراد

بیورلشدر - دیه جاک ده اولدق . محل وقعه وسوق  
 کلام - بوکاده مساعده ایتدی . لسانمرك شیوه سنجه  
 ( مبارکه ) بو ( بی ثبات ) یاخود شو ( هر جائی -  
 قارک ) دینه بیلوردی .

{ ۷ } قارک برانسانی درآغوش ایتسی حقنده  
 اعتراضه اولان میل وجدانیمزه - قارشومزه چیقان  
 مقدس برزقق قیوسی مانع اولمشدر . صنایع  
 بدیعیه نك بعض کلفتلری قیایندن اوله رق بونی شو  
 نثرده قبول ایتدك . فقط ( کوکدن انمه قبا دوشك )  
 تعبیری حقنده عوام پسندانہ دیمیو بده نه دیه جکز ؟  
 مادام اوله برجمیله یه لزوم کوسترن هوئی بر فکر در  
 بیان ایدمك استلیور . دینه بیلوردیکه ( قوش تویندن  
 دها یوموشاق اولان بو پوست سخابی : مظلومك  
 نظرنده پك مقدس اولان برباهه قارشو سرلشیدی .  
 و بصورتله . مقاله نك الت سطرینی تشکیل ایدن

«محرابه قارشى مراقبه مدهوشانه طر زنده قيونك  
تا اوكنه جوكمش اولدينى اكلاشيلوردى» بويله لكاه  
سوزلر معنًا وادبًا كسب سلامت و مضبوطيت  
ايدردى. بيلم دقت بيورلديمى. ناجى افنديك  
بيوروشلرينه نظراً مظلومك نظرنده پك مقدس  
اولان برزقاق قپوسى ايمش عجباً زقاقلرك «قپوسى»  
ديك نه ديمك در. خانه يي حرف ايدوب ده  
زقانى - قپولى - كوستر مكدده محسنات نه اولسه كر كدر.  
برده قارلى هواده برصوقاقدده - قار يالكز بر قيونك  
اوكنى ستر ايدوب جوانب سائرهنى خالى مى بر اقمش  
عد ايدده جكز! بوكا دينه بيلورديكه آهسته آهسته ياققدده  
اولان قار مظلومك عنسدنده پك مقدس اولان  
بر طريق اعاطه ايتمشيدى: ايشته - بويولده - سوديكنك  
اقامتگاهنه كيريلور بر قپو موجود ايدى.

{ ۸ } : پارانتر ايچنده كورديكز اوچ حرفك

نه ديمك اولديغني نه سز صورتك! نه بن سويله يم . زيرا  
قابله لره مخصوص فتى رسالده انحق كورينه بيله جك  
عجايبات - بر رساله ادبيه ده (واو رساله ادبيه نك  
باش محوري بوانان معلم ادب طرفدن تحرير بيورلمش  
اك نازك خياله مستند بر مقاله مخصوصه ده) هيچ  
چكلمز . بوني معلم ناجي افندي سلمه السلام يازى  
ويرمشاردر: اوج حرف براره ده .

اوقويان لر مميز ادب ناجي افنديك شا  
كرداني دنخي اولسه لرينه معلم افندي عيب ايتمش  
ديمكده تردد ايتمزلر . صانيرم . بويله بر تشبيه عجيب  
موجود اولان بر مقاله ده - علويت ارامق عبثدر . نصل  
عبث اولسونكه افاق «ك زوال عشقنده اول امر ده  
حقيقت - سلامت - وضوح - وانتظام افكار  
مسائلي كوزمرك او كنده طور يور . بز بويله ديه لم:  
قاندده وفا آرامي زهردن شفا آرامق كييدر .

## — ❧ علاوه ❧ —

بزم شو اوزون مقاله مزی او تو مقدر صقلیمان اصحاب وجدان  
هر هانکی جهته ادب و فنایمیشمش اولورلر ایسه لطفاً  
اشعار بیرره یلورلر: نشر ایدرم. بنده کن ایچون بر جهت ده  
واردر. بیلورم بعض نوات دیه بیلورلرکه «سن زوال عشق  
خطاسنی اورطه دیه قویه جغه بر ( زوال عشق ) ده سن یازوب  
نشر ایتمایمک: کوردک او وقت درجه عرفانلی «!....

بنده کن بو اعتراضی پک معقول کوردیم ایچون وقوعه  
میدان ویرمک اوزره چار ناچار بر ( زوال عشق ) تصویریینه  
لزم کوردم. و بوجه اتی بو خیال مخصوصه بی عرض ایتم  
مقصدم ( اصول تنقید ) حقنده شایان قبول بر چیغرا اچمق در.  
زیرا بعض نواتمز هر شینه تعریضه الشمش اولدقلرندن  
ایچارندن منصف اولانلر غرض کار اولمایانلر لطفاً بو صورتی  
اختیار بیورلرسه هیچ کیسه نه دیه جکی قالماق لازمکلور  
فقط موافق اوله میه جق مش! های های بوده جانز. خصوصیه  
مولم ناجی افندی حضرتلری کیلر ینک زوال عشقنی بکنمیه  
ای قرین: الک سزه بر ( زوال عشق ) دیه اورطه دیه چیغیرمک موجب  
مؤقتت اوله جغنی کیم مأمول ایدر: هیچ. امید اولسه انسان  
یشامز درلر. خصوصیه اذکار عمومییه بعضاً اوفق تفک شینلری  
پک علوی فکراره ترجیح ایده بیلیمسی تبر به اولنمش حاله ندر.



( ایسته )

## ❧ زوال عشق ❧

(\*) بوتلاش نه در! ... نه سورکلی یا یغره ... نه تمز ..  
نه تو کنز قیامت! .... — ممکن دکل بن بو او ده اقشامی  
ایده مم ....

بنم قلبه هجوم ایدن حزن و فتنوره قارشو بوشادی  
وسرور چکلور می؟! .... ایکی آیدر بکا — دوشمه عارض او-  
لمشیدی دوشمه یم دیرم اولمز ... درد لاشه جک آدم  
بولمز! ... انسان دکل هبسی بیوفا! کیه امنیت او آورده  
سوز سویلنور .

کندی وجدانی یله انسانه خیر ایتیمور! بودنیاده  
ارتق کیم کیه خیر ایده ییلور؟! ...  
بن ایسته شمدی دوشمه جک بر زمان هر شیئی اونوته -

---

(\*) بر دو کون اوی فرض ایدیکز — پنجشنبه کوو اچان نامنده  
بری کووی کهرمش کلینی مقامنه اقع د ایتدیرد کدنمک ره سلامته  
یالاکز باشند بر او طعیه هنوز قوامش — اشاغی یوقاری کزه رت شو -  
سوزلری ایشید یله ییلور بر سس ایله سویلنمکده در .

جق صفا سوره جك بر مكان ايچنده يم - كويا! .... - نه چاره كه  
دوشمندن ذهمنی منع ايتك حالا ممكن دكل .

عقل ايرديكي سمندن بريدر سرگذشتم بر سرعت فوق  
العاده ايله ذهمندن كلوب كچيور .. - اراق يينم رطوبتي  
بخاره منقلب اولمش بر جسم كشيغه دوندي ...

بو ييندن مي خير اومه جغم! .... دياده قوت يوق .  
نفوذم كندني نفسه جاري دكل كه: خارجه تأثير ايده بلسون .

.....  
— هله بودقيقه دن صكره اليمدن نه كله بيلور ؟

هيچ ....

اللهينه عمرلرينه برهكت و پرسون . اولر صاغ ايكن  
— بنم اراده جزئيه مي استدككري وقت كنديلري تصاحب  
ايدرمش ! .... انسان — انصافي نه اوله جق ! ..

بنی دنيابه كتورمكه باعث كنديلري اولديغي اچون  
آخريته كوندرمكه ده ينه كنديلري باعث اوله يور ! ..

.... بو عالم انسانيت دن — دها بشقه نه بلكه نور ؟ ..

بنم نظر حيرتمی انجق برشی جلب ايديور . اوشئيده —  
كيوكدنبري اكلامديغم (تقدير ازل) دركه بو جهنم دنياده  
بكا بردرك اسفل ارئه ايتدي . زبانيلري ديه بيله حكيم ....  
پدرمله والدم — بو آتشه بني يالقو بو جهنمه بني آتمق

ایچون بری صامغدن دیکری صومندن ضومتش بنی  
 صولوتیه رق - ایشته : سوروک سوروک سوروک کدکده دردر .  
 یاربی ! سن بنم مدد رسم اول ... کیمه دهیم ؟ .. حاشا  
 شیطاندن استعانه ایده جک دگم یا ....

بیلورم کنه کارم فقط فخر کائنات افندمزک امتییم .  
 « شفاعتی لاهل الکبائر من امتی » دیه بر حدیث شریف  
 منضورم اولمشیدی . — بولوحه جنت نما بر مقدس حجت  
 شکنده حالا باش اوجده اصلودر .

ایشلیدی کنه اهلر ایچنده البت بیوکلریده موجود  
 اولان بوققیه اندن بشقه کیم شفاعت ایده جک ؟ ..

« بیوک برآینه ایله بالمواجهه — (\*) » .. انسانلر !  
 عارسز مخلوقز دگی ؟ ... — بر قز برار ککه واریور .  
 یعنی ذات موهومکز . بر قز آلیورسیکز . .... — سزه جدی  
 دیورم اوت سز اولنیورسکز . .... — بویوزلرجه قزلر ...  
 بیکلرجه قادنلرک بو اوده ایشی کوجی نه در عجب ! بو مخلو -  
 قات مستوره ! هر سر موافق اوله یی استیان انسان گروهی

(\*) او طرده بیوک برآینه بو نغمده اولدیغندن اشاغی یوقاری  
 کرینان (جالک) کوزلری دایما آینه ده منجذب بر حالده در . خیانی  
 حسجالده بدرجه دها رواج ویرمک استدیکی زمئلر آینه نلک  
 قارشوسنه بر طور محزونانده انک طوغریسی بر صورت مجنونانده  
 یکرده . بو (کیف مایسا) مکلمه یه کندی فکر نجه چی دوزن ویرر .

دکلی یا ؟ دوکون اوینی اری قووانته چو یرمک کو یا  
اونلره فرض عیندر !... - صارغیلی آصغیلی کلین خانمی  
کورمک ایچون کلش لر .

باری کندی وجدانمه طائیشه یم . - عجباً بو حقی  
بونلره ویرن کیمدر ؟... ( الجواب )

اونلرده کی او بلالی عادت که قدیمدر - می دیه جکز !...  
شبهه می وار : تا کندیشی . ارککلرک صقالنه وارنجه  
که هیالق ایدیور . کیدیکنه چیقاردیغنه قاریشیمور . حیوانلر  
کی ظلمت جهل ایله عمر عزیزی استدیکی کی اداره  
واستعمال ایدیور . قادنلری انسان سیرینه کوندرمش  
چوقی ؟ ...

عادت : قدیم اولنجه ملک اجنبیه یعنی متمدنه ک هریرنده  
بیله ارتق اونک او ککنه کیسه کجه مز . حکمدارلری !  
حاکملری ! زیر تحکمه آلور .

. . . (\*) . . . . .

( آتش افکاری کوزلرینی بیله بورویوب اینده کی  
عکس جمالیه - خیالی برحسب حاله طوتش دیرمش اولان  
- جمالی - جمال ده پاشایی کورنجه - بیرته قالورلر ..

(\*) بو صرده بردنبره قپو آچیلور . جهانک قان بدری - فتان  
پاشا - ظهور ایدر .

جہاں بولندی بھی یردہ مخمّش کی وپاشادہ — نہ کرو دونمک  
ونہدہ او طہیہ کیرمک قونای ایلان بروضعیت الور .  
برقاچ ثانیہ صکرہ — (فتان پاشا دیہیلور کہ :

او غم — بویله کوندہ ! البت ترکی چاغریلور ....  
باغریلور ... حورا .. بیله تپیلور .. ہم اوکاسز « طون  
ژانقلر » (\*) « دان یووس » (\*\*) دیورسیکز . ادی  
دیکشیدی دیرک اونی شمعی هرکس تپیلور . بن کوردیم  
صاچلی صقاللی بنم بلدیکم بریوک ذات .

کندینی چالغی یه اویدیردیده ظیب ظیب صیچرادی .  
همده « اپ آشکاره » . سن کیفنه باق اولادم . بن اورانده  
دکلم ..... (\*\*\*)

صورمق عیب اولسون کیمسه ! ایشتمسون اما .. کیمجه  
وکوندز بز — بوحر یغله برابر می یاشایه جفز ! .... زمانه مزده  
( بوش ) ادملرک صفقی ( خوش ) اولمش .

بزم قان پدرک بزه بعض طرفلردن تأمین پیوریلان  
( خوشلغی ) ایشته بوایمش ...

(\*) کویا (زئون ژان لر — ترکیه سی : کنج لر دینک اولمحق .

(\*\*) پاشا حضرتلری ( دانس ) پیورمق استیورلر .

(\*\*\*) ایضاحه حاجت اولمدیغی حانده بیان ایدرز : فتان پاشا درجه

درجه کندیغی طوپلایوب بوسوزلری سویله دکر نصکره — قپوی یتہ  
قپایوب کیمش و جہاں بر معتاد یالکز قلمشدر .

لسانتی بلیان بیولر مزدن بریده الله اوزون عمرلر  
ویرسون بزم قان پدر پاشا-امز مش مکر! .. طوغریسی  
عنوانی ایله اذغانی پک متناسب ....

عجبا یکدیرمزی اغفال دن اضراردن طویدیفمزانت  
قدر بو عالمده نه ایله متندذ اوله یلورز ؟ .. هیچ .

جانم ! هایدی مقتضای شریعت در بیله دیه لمده —  
اله جغمز قزی کورمیهلم ...

عجبا ارککلرده می بربرینه نامحرم! ... — قان پدر ایله  
داماد بر کره ! نیچون نیچون ! بر کره نیچون ! یوز کره  
یک کره کوروشوب — طانیشوب — یکدیگریک ماهیتنی  
اکلایوب ده . او یله قول صحیح ایتسه لر پیدای صهریه تک  
ارککجه سی اولسون شونک بونک کفت و کوسنه مستند  
اولوبده طرفین ایچون بویله تصادفات فلاکت انکیزه  
میدان ویرمه سهر قنای اولور ؟ . . . . .

ها صحیح اونوتم! ... بزه فتان پاشانک دامادی دیه-  
جک لرمش الیزلی جیمزه صوقدیفمز زمان-ایرالره اوینایه جق  
مشز! ... وجودمز راحتیه ! .. کندمز ده سلامته ..  
ایره جک مش ! فتان پاشانک سایه سنده حیثیت مز  
ارته جق! .. اونک توصیه سیله اونک نفوذ یله ! رتبه لر ! نشانلر!  
اله جق ! بونلری النجه بی-وک آدم اوله جق مشز! .



هيات .. بنده حيثيتى علماً : مادوندمه بولنان  
 انسانلرك حايه سنه مى وديعه ايده جكم ... رتبه !  
 نشان ! .. بعضيلرجه پاك اعلا : فقط ... انسانه  
 مزيت شخصيه سندن بيوك رتبه ! انسانه كندى وجدانى -  
 كندى اذعانى - كندى عرفاندى بيوك نشانى اولور !

.....

پاره ! بنم كى بر آدمى ده اسير ايدرسه ! - پاره ! ..  
 بنم مرتبه مده يرادلمش بر مخلوقك حريتنى صاتون اله بيلور -  
 سه ! ..... ارتق دنياده بونك ياعيمه جنى يوقدر .

پاره ! ايكي معموره يى بر كونده خراب ايدر . اوت -  
 پاره ! بر خرابه يى ايكي كونده معمور ايدر . بيلورم - پاره !  
 هر ملتدن اردولر محاربه يه سوق ايدر ! ... اوردونك نقراتى  
 محافظه وطن - ناموس مى اوغرينه جان ويره جك جان  
 آله جق - اشرف ساعات كلنجه او قرمى عقب - كويا  
 سمدان يا غييور كى اوردويه ياييلور . چونكه او ! جنت  
 حوري سى قيافتنده براژ دره ادر كه اوردونك اوزرينه بر كا -  
 بوس ماتم كى بغه چوكر .

الى سلاح طوتان و ترفيع رتب امرنده چاليشان  
 يوزلرجه ييكتلر كه ضابطاندر . ياغازى و ياشهيد اولق اچون  
 هر ملتده بر فكر ديانكاريله قلنجه صاريلان و بوسايده

کوزلرندن قان فیشقراں بیکلرجه قودورمش ارسلانلرکه :  
نفراتدر . برپوری صداسـیله کندیلرینی قوزی کبی دشمنه  
تسلیم ایدرلر .

پاره‌نک بو قدره قدر دکل ! ده‌ا پاک چوق و پاک  
مدهش ظالمانه شیئلره اقتدارینی نیچون تسلیم ایتیم ! ایدرم .  
حاصلی هر شیئی هرج و مرج ایتکه موفق اولان  
.... پاره ! ... بنی یرادن کبریا حقیقـون — بنم یوزمی  
قاره ایدهمیه جکدر .

او بر خسیس معدن درکه — بن او معدنی سودیکمک  
باشنه یمین ایدرم ... آیامک التمه از — آزاده سرکزرم .  
پاره نه ایمش ! ... بنم رزقه بنی یرادن الله متکفل  
در ..... نه دیمک استیورسکز ! .... هایدی سزک دیدیکز  
طوغری اولسون .

هایدی آج قالیم ! بیمه بر قورشون یر ..... کوکمه  
بر تیمور صاپلارده ینه کوشه التونه سرفرو ایتیم .  
جهان بلسون که ایشته بن ! اوت بن ! ادعای حیت  
ایدیورم .... بنده وطن محبتی وار دیورم .

خالق تعالی حضرتلری طرفندن سینمه طاقلاش بر  
نشان ده ( لااله الا الله محمد رسول الله ) یاز یلیدر .

.....

بن بو کون انظار ناسده بی نشانم ... وفا ایدرسه  
عزم فقط شان آ لورم بن. زیرا که : بنم انجق جناب  
الله ایله حضرت محمددر ورد ز بانم .

بونیده اعتراف ایتلیم که - قلبده جاننده مخدرات  
اسلام دن برینک محبتی اون سنه وار که گوشه نشین  
انزوا در ! .... بیلاک ! همده ایو بیلاک که بنم سودیکم  
هیچ بر ملکه مقیس دکادر . بو خانم والله ( صاحبۀ  
عصمت ) در . ادیده در . پک ... مظلومه در .

محکمه کبرای محشرده حضور رب العالمینه برانجسم  
ناموس ( اوله رق حقیقه جقدر . بیلم که شفیع کیم  
اوله جقدر .

بنم سودیکم صاغنده وصولنده کی سؤال وجواب  
ملکری شاهد عادل در که اون سنه ظرفنده کندیسنی  
جو هواده بر پارلاق ( یلدیز ) سور کی سوردم . - اوده  
بن سرسری بی - بیلم نه دن ! یر یوزنده بر پری فرض ایدر  
طبیعتی منبسط ایدن سحر روزکاری کی یانندن کلوب  
کچردی .

شمی او بکا اوزاق دن ده باقیور .... فقط ازهره نک  
یری دائما بالی در . بن سودیکمی دوشوندیکم وقت کوزلم  
بلا اختیار آسمانه کیدر .

.....  
 چونکه: چونکه بن .... حالا .... اونی سویورم  
 .....

اغلا! .. اغلا! .. جال .. اغلا ده او یله سویله  
 — .. او بنی سویور! .. او .. بنی .. مؤبدأ  
 ترك ایتدی! .....

نیچون اغلیورم؟  
 بودقیقه ده بنم کوزمدن دو کیلان یاشلری بیلورمیسکر؟  
 : بهار عمرمك خزانى كلدی.  
 بونلر قلمك رحمتیدر ..... (\*)

كل! كل سودیچكم اوزاق ده طورمه ..... لطف  
 ایت بكا یلیدیر! .. الله عشقنه سویله? .. سن نیچون سیا -  
 هله غرق اولدك بویله ....

سن دكل سین كندی! .. سودیكمك خیالی سین .  
 .....

اه سنده می مستهزی! سنده می خائن سین! هیچده  
 یوزمه باقر . سودیكمك خیالی ده كندی کی - مجسم ناموسدر .  
 اول ده یلورم .

---


(\*) بوراده (جال) سودیكنك خیالیله قاووشمش در (خیال یار)  
 ایله کوروشه جك - کندیسنی عیب لایمك . محبت . بر نوع  
 جنت در .

بن بوخیال یاری - سمانی برزنکه بورونمش - نورانی  
بریا ضلیق ایچنده بکلردم .

: یارمک خیالی - سیاهلره بورونمش ده اویله گلش . . .  
ریم ! ناموس وعفتک ( خیال ) اوزرنده ده اجرایی  
حکم ایدیه لیدی . انجق بر بنم سودیکمک شو عظمیلی خیانه  
مخصوصدر دکلی ؟ . . . .

سودیکم : کندی کلدیسه - کندیسنه قارشو اعلان  
نامردی ایتدیکم بویله برکونده - خیالنی ینه بندن دریغ  
ایتمدیکی ایچون اولاً جناب الله و ثانیاً سودیکمه عرض  
محمت وشکرانه بورجلویم .

سن بوصباح نیچون بنی ترک ایتش ایدک ؟ ساعتلرجه  
بن سنی کورمدم . ای - سودیکمک خیالی ! بویو فالق سکا  
سودیکمدن می کچدی .

امان قورقورم نیه می قاچا چقسین . کل - کلده سویله می .  
بن دنیا زقدر قادنلرک ایچنده ! والدیه مده حاضر ایدی  
رقزی قولله طاقدم .  زدم یوریدم . بیکلرجه کوزلر  
بنم بو حال می کوردیلر - او شمدی بنم رفیقهم اولدی . . . .  
سودیکم بن سکا روحاً متعلق اولدیغیم ایچون  
باشاردم . شمدی بر دیگرینه جسماً تعلق ایدرک می

— یاشایه جغم ؟ خیر والله خیر . ایشته سودیکمک خیانی ده  
 کندی بکا حرام ایدی . ینه بتدی ! اوچدی کیدی ....  
 بنم بو کوردیکم انشااه بر قورقیلو رؤیادر . (کلوب  
 کپی جی) بر خلیادر .

او: بر ملاک دی — بودنیاده بنم رفیقۀ معنویه م ایدیکه  
 تکدی .. یعنی تک طور میان سودیکمک کندی دکل  
 خیالی دیمکدی . بکا شریک آخرت ینه سودیکمک  
 خیالی در البت !..

اه !.. نصل یانمه یم — بنم اولمده او دکیدی ؟  
 : اولی — دوشمنیان مخلوقه انسانی دیه جکز .  
 اخرته نه یوزله کیده جکز ! دیه جکمه — دنیاده  
 نه یوزله یشایه جغن دیسهک طوغری اولمزی ؟ ....  
 نیچون بلمه یم ؟ بیلورم .. او عالم غیب بر بشقه  
 عالمدر ... دنیاده عقلنی باشنه — طوپلامیانلره یوف !...  
 بنم روح سودیکمک محبتیدر اوزائل اولورسه —  
 بنده جانمی قالور هیچ !...

بر جسد حالی کسب ایدرم — زمان انی ینه بر اووچ  
 طو پراغه افراغ ایدر ... یا حضرت پرورکار ! سندن تضرع  
 ایدرم . بارگاه رحمتدن استمداد ایدرم — بنم بو قانلی  
 طور اغمی سودیکمه خاکپای ایت ...



حبیبہ مک قلبنہ الہام ورا! کلسون بنم مزار عاقبتی  
زیارت ایتسون . بکا احسان ایدہ جکی فائحه ایلہ اخرتہ  
بن جنتی فتح ایدرم .

بن صبانکہ کورمدمی دمن ؟ سودیکمک خیالی بنی  
ترک ایدو بدہ نرہہ کیتسہ۔ قلبک کوزی اوکا پبرولک ایدر .  
مہری ومہی کورمی۔ ان کوزلر حبیبک خیالیلہ برابر  
کردی ...

بر اوطہیہ کیتدیکہ: اورادہ بنم رفیقہ م اوطورتیر لمشیدی .  
بر دیگر یتہ کلدیکہ ... امان .. کنندی کنندمن تأدب  
ایدیورم . بتون دوکون خلقندن حیا ایدیورم ! اورایہ  
بریطاقلق قورولمش۔ کلین ایلہ کووہیہ تخصیص ایدلمش  
اولدیغی حالده اوطہنک قبوسی جلاہیہ کشادہ ایدی !

سودیکمک عزتلی خیالی ضبط ایدہ مدم۔ یوقسہ ! اونک  
اورادہ هیچ ایشی کوچی یوغی۔ دی . بن اورادہ حاضر  
وناظر دکلدم . اولیکی کبی دکل نہ یلان سویلہیم قوہ  
روحانیہ ضعیف . کلش عزیزمک خیالی صقی صقی یہ  
ضبط ایدہ میورم شمدی .

سومدیکم او اوطہیہ کیتلی می ایدی ...

.....

امان آ دوستلر !! بونہ ! .... نہ اولیورم ! کوزلرم

قراردی شمدی یقیله جغم ... بو حال - نه در ؟ .....  
 کرچکدنمی چلدیردم عجبا ؟ ...

اوازم چیقدیغی قدر باغره جغم کلیور ... اه خیالمدن  
 دهها نلر کلیور نلر کیور ...

سودیکم سنده پیل ! .... خیالک ده بیلسین ..  
 (باقی) لرده بیلسین ... - بیلسین که : - اوفرش زینتدار  
 بکا بریوموشاق مزاردر .

ربم بن نه یوک انکسار آلمشم .  
 برخیلی لطافت دن صکره بونجه سنه لک امکدن  
 صکره هیچ بلسدیکم هیچ کورمدیکم . بر مخلوقی ایش  
 بنم قدرم ..... بی کنهه ومظلوم . بوقزک جانی  
 یاقدیرمغهینه بنی مصلت ایدن احکام طبیعت نظرنده ده  
 ینه مسئول بن اوله جغم او یله می ! یا حضرت اه . بنم ده  
 نصیم اولان اخرته بنی دهها اول کوندر . بو کیجه بنم  
 جسممی جهنمه روحی جنته بخش ایت .

.....  
 «قیو آچیلور آچیلز (سرور) ک دلا تیله (مدنی) افندی  
 اوطهیه داخل اولور ...»

سرور اغا جمال بکه برمه رلی مکتوب ویرر . جمال  
 بک یقین اقر باسندن و بک ایو کوروشدیکی مدنی افندی بی

کورنجه سوينور . و برلكده چيقوب كيدرلر . . . جمال بك  
سكوتى بر حالده ايكن - اوكلرينه چيقان بر بوستان قپوسندن  
منون اولورلر . و بر يوك اضاچك سايه سسنه ايكي اسكمله  
كتورتوب اوطورلر .

مدنى افندى :- مکتوبى اكلايه مدم . قانن والدهنك  
حرم اغاسى كووى كيرديكن كون - سكا بر مکتوب - همده  
مهرلى بر مکتوب و يریشى بكا موجب مراق اولدى ..  
كیدن اولديغنى ديمك كه سن ييلورسين .

جمال بك :- صحيح برادر! سن كلديكن صرده مر جان مى  
سرورمى! قاب قرانق بر حريف! بر مکتوب و يردى ايدى  
- بن اونی نرهمه قودم عجب! سويليه ايدك! واللّه اونو تمش دم .  
اوزرى همش - يرهنك يازيسنه بکزيوردى ايچنده مسرتلى  
برشى مأمول ايدهم ...

موزعى سرور اغا دكل حضرافندمن اولسه يته نافله ..  
او قويه لمده باق : ( صورت مکتوب )

برادر: سن کندينى پابوچى بيوکه او قوت . بونه حال:  
کلور کلز! اعلان جنته لزوم وارمى . قورقه بونی ايکی  
کونده اکلارلر . کندينه و بزه اچميورسهك بارى والده که  
آجى . سن نرده آينه کورورسهك مضيقا قارشوسنه کييوب  
کولکهك ايله مصاحبت مى لازم؟ وای بزم حالزه . طاريله  
برادر: شودقيقه نه حالده يم بلرسين: شمدى سن

بیلورم — نه اولمش درسین بو سوزلرله اهمیت بیلله  
ویرمز سین. نه اوله جق: قان. پدرک آینه یه باقوب کنیدی  
تصویرکله اوزون اوزون ایتدیکن مصاحبتی هم کوزیله  
کورمش هم قولاغیله ایشتمش. — کلمش قان والده که سولش  
قزک صوی صوی بر برلرینه کیرمشلر — بکا ارده کی  
قادین — کلدی سویله دی زواللی والدهمه طو پورتمدم  
ایشتمه بیلورم بیچاره نك یورکنه اینر.

برادر: سن هرکسک اوینی بزم اویمز کی می قیاس  
ایدیورسک، هرکسک اوی تیمارخانه دکل. اوده کی براقدیغک  
درسره بوراده ده باشلایه جق اولورسه ک! طارله قرداشم  
سنی برکون بیلله او طور تمزلر.

امضا

همشیره کز

جمال: — هانیا اوکونلر!

مدنی: امان برادر کنه دینی طوپلا بزی محجوب ایته  
هانیا اوکونلر دیدیکن نه اولیور؟

همشیره ک سندن چوق عقلای! یو! باق — بو اولمدی.  
عیب ایدیور سین. کرچک دیورم. عقلنی باشنه طوپلا:  
ایش فنایه واریر صکره.

جمال: — باری قرداشم سن انصاف ایت ..

کیمسه ده کورم دیکم مر حق سندن ده کورمز سه م !  
 بیان آدمی کی کندمی طاغله قپار قویو ویریم . سن  
 بیلیور میسک ؟ بن رفادینی سویورم ؟ او فادین دکل بر ملک در .  
 - بر روح مجسم در . خواص خسه ظاهره ه هیچ تعلقی  
 اولدیغی حالد یه سویورم . بن کندمی اوکا نزر ایتدم .  
 بن عشق حقیقی ایله متأثر ایدم عشقم کالانی بولدی . اره دن  
 سنه ل کیدی بن - حان اسیر عشقم . هر شیده کالک زوالنه  
 قائم . فقط عشق حقیقی اولور سه زوالنه قائل دیکم . چونکه  
 اوچیوز سنه یاشانسه - عشق نقطه نضریله یه اوچ تابه  
 قدر بر زمان یاش - اتمش اوله مر که نوبت زوالنه کلسون  
 (عشق) بیوکدر . سن کوچکک ایتمه .

مدنی: - سنکله شمیدی لقردی اوله میه حق ! -  
 عشق آشکن یلپازه لشم . یکی باشند طو تشمش تازه لشم .  
 جمال: - او یله کهنه دمش اشعار بوزونتیسی لقردی لراه  
 بنم حسیاتی تغیر و تشویش ایدمز سین ! بنم عشقم  
 دائما کالده . هر زمان بر حالد . اونث زوالی - بنم اخرته  
 تشریف ایتدیکم کوندر .

مدنی: - هله سز پیدای صهریت ایتدیکز ذات  
 خانه سنه بواقشام تشریف ایدک ده صباحین قونوشورز .  
 جمال: - کیمیه جکم ! کیمیه جکم کیمیه جکم . بنم زوال

عشقه بونکله می حکم ایدیورسک ؟ ... فقط کیتدیکم  
وقت نه لازم کلورمش ! ... هم کی-در یرک دینه کچر  
هم عشقی ینه محافظه ده ثبات ایدرم .

بن برحیات اولدقجه - اونک زوالی ممکن و مقصور  
دکلدر .

مدنی : — سن یکیدن چوجق اولمش سین . لقردک  
یوک آدم لک شویله طورسون . — کچوکلرک کنه ده بکزه میور .  
سن بیلورمیسک ؟ عالم عیش ونوشه طالمش ذواتک ایچنده  
اک اول-سرخوش اولدیغنی بلا سؤال وجواب- ادعا ایدن  
کیسه نک سرخوشلغنه حکم اولنور . زیرا اره دن از برمدت  
کچنجه . کور قنبدیله دونان ابتدا اودر . سرزکده بلا سؤال  
و بلا لزوم بوقدر پارلامکزه باقیورمده حسیات روحانیه کزه  
سونوکلک کلش اولدیغنه بونکله عادتاً حکم ایده جکم  
کلیور .

جمال : — کلم الناس علی قدر عقولهم دیدکری  
پک طوغری ایمش . حریف عشق نه در عمرکده واقف  
اولمامش که بلسون بر دقیقه سرخوشلقدن قورتلماش که  
جسمانی قضالردن قورتولسونده روحانی صدماته کوکس  
ویرمک نه ایمش بلسون ...

ای اجهل من فی العشق) سن بیلورمیسک که . — عشق ایله



عشرت. — عاشق ایلہ سرخوشق — ارہ سندہ وجہا من  
 وجوہ برمناسبت وتعلق یوقدر بنم سودیکمک محبتی  
 جسمانی بر لذت دن حاشا ثم حاشا عبارت نصل اولہ بیلورکہ  
 اونک سیاہلرہ بورونان بو کونکی خیالی: ابتدای افرینشدن  
 بو کونہ قدر کلان ملیونلرجه قزلرک اک کوزل اعضا نرندن  
 مجسم یوزلرجه قزلر تشخیص ایتسه انلردن یوزلرجه سنہ  
 یوزلرجه فائق و بیکلرجه مر جمدنر .

مدنی: — بندہ سکا طوغریسنی اوقویہ یم ! ای اجہل  
 (من فی الارض) ایتدیکمز بیہودہ جدلدر . ذی روح ایلہ جہاد  
 بینندہ کی فرق چہونکہ موقت ! موقت اولان بر شیندہ  
 نہ لذت واردر . انسانک شرفی وفاتندن صکرہ یمہ عائددر  
 دنیادہ کہ قیل وقال ہب ذوانددر . سن انسانلری بنم قدرمی  
 بیلہ جکسین ! اونلر قالی افعالنہ اویمز . دون ویردیکی سوزی  
 بو کون طوتمز — بر آلائی مضر حیواناندر کہ قوہ نطقیہ لریلہ  
 کو یا تمیز ایدرلر .

جہال: — امان افندم جواہر صاچیورسیکمز نہ کوزل  
 حکمتلر ! نہ عالی قیاسلر ! کرامت — محض کرامت  
 بیور یورسہ کزدہ ! نہ چارہ کہ موضوع بحث بو دکل .  
 اونلری بیرامہ صاقلایکدہ سؤالہ جواب ویرک .

مقبرہ اسلامی زیارتہ ہیچ کیتدیکزمی ؟ بر کرہ

زیارت ایدک. نیجه نیجه تراجم احوال مظلومینه  
واقف اولورسیکزکه - بنی نوعکز حقنده شو سوء ظن  
وبرودت - مبدل حسن توجه و محبت اوله ییلور.

مدنی: - اوت او بیاض مرمرلری اکثر انسانلره  
ترجیح ایدرم. حالبوکه اولره ده انسانلرک فناغی  
سوروغمش! اولریده انسانلرک رزالتی قاپلامشدر. زیر  
برحق قاتلارک ظالملرک کنیه پوصله لری ینه انسانلریدیه  
او بیچاره طاشلره حک اولمش دکلیدر. انسانلره انسانلری  
تشهیر ایچون بردن بتش بومعادن: نامنی - طاشیدیغی  
آدمک بر (سنگ لغتی) اوله رق یوزلرجه سنه لر دیکیلی  
طور یور.

اونک ایچنده اوچ بش دانه اچیلماش غنچه نک - کون  
کورماش معصومک اسامیسنی ضبط ایدنلر - سزک کبی  
چولق چوجغه ده زاده موجب انتباه ودقت اولمیدر.  
سن برقادین سو یورسنکه: اونی سومکه حقک یوقدر.  
جال: - حقم واردر. بن عشق حقیقی ایله متأثرم.  
بن سودیکمک روحنه تعلق ایتدم. - بن دکلیدم؟ کیجه لر تا  
بصاح اجیقلی آه لر - جدی فغانلر ایدوب کزردم. او یله  
برصواقده که - قوش اوچرز! شیطان کچمزدی. فقط بنم  
خیالمدن هر شیلر کچر. وبنده او طریقدن مرور ایدردم.

بن دکلیدم؟ - قادنلرک (اوماچی) دیدکلی: جنلر پر یلر طائفه -  
 سی) اطراف فی المش - حرکات عمومیه می کوزه دیرلرایکن بن  
 کندیغه مالک اولدیغم ایچون بونلره کورنماکه بولدیغم بر  
 دانه جک چاره کندی کوزلرمی قیامق دن عبارت قالوردی!  
 فقط بن ینه هیچ بر شیئدن کیرو قالزدم .

بنم عشقم حقیقی دی کل دی؟ بنکه اون سنه مدت  
 ایچنده سودیکم بر دانه ایدی - اقتنار ایدرمکه سو یله جکلر  
 ایچنده بر دانه ایدی .

اون سنه بر زماندر که بر کنج ایچون بر قادین اغو -  
 رینه فدا اولنسی هر وقت کورلش هر وقت ایشیدلش  
 شیلردن اولغله برابر پک نادر وقوع بولور - ایشه بن  
 بومدت ظرفنده بعض خفتلرده بولندم . لکن حضور  
 رب العالمین دهده مدافعه ایدرمکه بونلر بنم عدم صداقته  
 تعلق ایتمز . هله سودیکمی سومک حقنی اسقاط هیچ ایتمزیا .  
 تغذیات جسمانیه نك شرائط سفلیه سنه اون سنه مدت  
 قازشو کله مامک بر امر طبیعیدر .

بنم روحم - بنم قلبم پالدر .  
 وجدانک حکمداری بنم بر سودیکم در که اتی سومکه  
 بنم نیچون حقم اولسون؟ بو حکمدار! صاقن سنک بند -  
 یکن سنک طایدیغک حکمدارلردن صانمه .

بنم حکمدارم - یوزم یوق سويلکه فقط. حالا سو -  
 مکده بولنديغم بر خانددر . بن بو خانمی طوغزدن اولده  
 سورمشم . اولد کدنصره ده سوه حکم . کنديسي سومکله که  
 اونیده بنیده يراتمش اولان خالق تعالى بنده کزی مأذون  
 ایدیور : سزکیم اولیورسکز که حقهی تسلیم ایتیمورسیکز .  
 قز! نه دیمکدر؟ بنم سودیکم یوز بیک قزه بدلدر . بر  
 قادین سومک ایچون مطلقا او قادین قز می اولمق لازمدر .  
 حق نه در سن اول امرده اونی بیلیمورسین اونک ایچون  
 حقهی تسلیم ایتیمورسین .

مدنی : - سنک حقنی انسانیت تسلیم ایتیمور . اسلامیت  
 قائل اولیمور . چونکه : بوکون - سنک تحت نکاحنده بر  
 قز وارددر . جناب حق قرآننده بردها! دفعه بر ده! المغه  
 سنی بعض شروط تحتنده مأذون ایدیور . فقط سنک سو -  
 دیکک سنک نصیبک دکل مش . انصاف - عدالت - عفت -  
 سنک سودیکنی - سومامکه دعوت ایدیور . حرمنه محبت توصیه  
 ایدیور . دنیاده بر سنک عقلک . بر سنک عشقک وار!  
 سن وارسین! برده سودیکک! قصوری . هیچ اويله دکلئ?  
 یازق که عرفانک وار، حیثک وار .

جمال : - برادر - بن کیدیورم . سنی دیکله مکله مجبور  
 دکل . بویله مناظره اولمز . سن منطق بیلیمورسین .

مدنی: — سنده کندی بیلیور سین. سن دهاپک چوجق  
ایمش سین. طور بقالم سنده دنیایی قونیہ یی او کر نیر سین  
البت. (\*)

جمال: — پکی اما—مدنی) ده فناسویله میور. بن صداقته  
خلل کتور میه حکم دیه. بر خاندانک تخرینه وجدانم نصل  
قائل اوله جق. بر قضادر باشمه کلدی. هم نه وارمش.  
بنی آریان صورانی وار. بنم قباحتم نه در؟ سودیکمه  
بر خیانتم — بر مضرتم طوقندیغنه وجدانم شاهد عادل....  
بنی بو قدر اونو تملیمیدی. او!

سودیکم ارتق کندیسنی سومام کل کمی استیور. هر حالی — بکاونی  
امر ایدیور. او بنی اونو تدیغی ایچون — بنده کندیسنی او —  
نوتمقلغمی الزم کوریور. بنم روحم بیلمورمکه سودیکم  
تحت قهرنده قاله جق. فقط جسممله سودیکم بر وقتده

---

(\*) جمال — ایله (مدنی) افتراق ایدر لر. غروب شمسه یقین زما.  
نلرده جالک کوزلری بر معتاد آسمانه دیکلور.

فتان پاشانک خاندسنه یا قلا شرفجه کندی کندیسنه شوسوزلری  
سویانور.

مناسبت وتعلق اولدیغندن - اونیده حرمة ترك ایتلیم.  
برازده اولاد مجتنه بقالم اونصل اولیور. اوکیده کورهم. (\*)

---

(\*) جمال - (بعد ادای صلات) حرمة داخل اولدیغندن بونکده  
عشق زواله ارمش در دیه - ینده قطعاً حکم ایده مزسه کده بر (زوال  
عشق) خیالی بو صورتله تصویر ایتدکده جائز که اصابت ایده لم .













PL

248

N28

Z77

1883